

Arkiv: FA-U01
JournalpostID: <jplD> 20/41800
Saksbehandlar:
Dato: 30.06.2020

Saksframlegg

Saksnr.	Utvalg	Møtedato
050/20	Utval for næringsutvikling og drift	07.07.2020

Søknad om tilskot frå næringsfondet – Nordhordland Utviklingsselskap IKS - Smak av Nordhordland - vidareføring

Rådmannen sitt framlegg til vedtak:

Søknaden frå Nordhordland Utviklingsselskap IKS mottar ikkje støtte frå næringsfondet i Alver kommune.

Utval for næringsutvikling og drift 07.07.2020:

Behandling:

Maya Riise (MDG) er medlem i "Smak av Nordhordland" og ba utvalet ta stilling til om ho er inhabil i denne saka. Riise fråtreidde møtet då utvalet drøfta spørsmålet om inhabilitet. Utvalet konkluderte med at Maya Riise ikkje er inhabil, og ho deltok dermed i den vidare handsaminga av saka.

Utvalet vedtok samrøystes rådmannen sitt framlegg til vedtak.

ND- 050/20 Vedtak:

Søknaden frå Nordhordland Utviklingsselskap IKS mottar ikkje støtte frå næringsfondet i Alver kommune.

Politisk handsaming

Saka skal avgjerast i utval for næringsutvikling og drift.

Bakgrunn

Nordhordland Utviklingsselskap IKS er eit Interkommunalt selskap. Etablert 26.06.2003 og har 9 tilsette. (Kjelde: proff.no).

Saksopplysningar:

Om prosjektet

«Smak av Nordhordland» ynskjer å fremje næringsutvikling som baserer seg på dei blå og grøne ressursane i regionen. (Lokalmat frå Nordhordland). Prosjektet er forankra i Nordhordland Utviklingsselskap IKS, og i kommunane i Nordhordland. Søknaden er ei vidareføring og profesjonalisering av prosjektet. I ei vidareføring av prosjektet vil det bli stilt strengare krav til dei som deltar i nettverket.

Prosjektleveranse/Målsetting

- a. Utvikle felles sal og marknadsføring: Gjere produkt frå Nordhordland meir kjent i marknaden og lettare å få tak i.
- b. Finne eit felles lager og godkjent produksjonslokale som fleire kan bruke. Samarbeidet mellom aktørane er godt. Felles lokale resulterer i nye produkt. 10 aktørar.
- c. Utvikle ein felles utsalsplass. Fast utsalsplass 1 gong i månaden
- d. Utvikle reiselivspakkar basert på mat frå Nordhordland. Minst fire reiselivspakkar er utvikla innan 2022
- e. Utvikle råvareliste til serveringsbransjen. Råvareliste vert sendt ut 4 gongar i månaden.

Nordhordland Utviklingsselskap IKS søker midlar for eit prosjekt på 3 år.

Vurdering

- Prosjektet er forankra i Nordhordland Utviklingsselskap IKS, og i kommunane i Nordhordland.
- Prosjektet gjeld i hovudsak Proffesjonalisert samarbeid mellom matprodusentar.
- Prosjektet har ikkje omtalt verknader med omsyn til nye arbeidsplassar i Alver (sysselsettingseffekt).
- Prosjektet kan bidra til ny vekst i etablering av SMB-verksemder i Alver. Prosjektet stimulerer til ei berekraftig næringsutvikling, men prosjektet har meir preg av vidareutvikling framfor nyvinning.
- Det er sendt søknad til Vestland Fylkeskommune med totalt kr. 500.000,-, og Fylkesmannen i Vestland med kr.120.800,-. Midlane skal fordelast over 3 år. Resultatet er ikkje kjent.
- Stønadsbeløp utgjer 58,7% av kostnadsbudsjettet. Stønadsbeløpet skal ikkje overstige meir enn 50% av samla kapitalbehov, (max-periode 3 år), jfr.pkt.4.3. Dei andre finansieringskjeldene er opplyst i søknaden.
- Etter ei samla vurdering ligg ein større del av søknaden utanfor Næringsfondet sine kriteriar, enn det som er innanfor. Søknaden bør ikkje innvilgast.

Vedlegg i saka:

30.06.2020	25 NUIKS 2020_Søknad_29apr 2020	1415761
30.06.2020	25 NUIKS 2020_Søknad_vedlegg_29apr 2020	1415764